

建德縣志卷六

風俗志

俗尚之清澆政事之得失繫焉古人禮多從俗典重觀風良有以也

聖朝化成久道漸仁摩義六合同風頌

聲教之覃敷瞻民情之於變而建邑之僻處一隅者亦且家說詩書戶崇禮讓遷善遠罪而不知蒸蒸然寫太平景象焉志風俗

〔方逢辰新定續志序〕嚴介萬山之窟土堅而隔上不受潤下

建德縣志



卷六

風俗

一

不斥鹵而則潦旱則槁土淺而源枯其民苦而耐其俗儉而野其戶富者畝不滿百民僅以山蠶入帛官兵月廩率取米于鄰郡以給而百姓日糴則取給于衢麥蘇秀之容舟

〔余植進士題名記〕瑰奇特杰之觀瀟灑清絕之氣獨萃斯邑士氣夙醇文風寢盛方來者尚源源也

〔新定續志〕嚴郡人物表表相望大抵尚氣節而輕功名有子陵之風

〔嚴陵志〕山高水深人性貞介君子好禮小人勤生男女有正

性而無淫行

明一統志俗號輯睦人和俗阜民貧而嗇多文學之士

宋賢條議嚴緝疏民醇事簡訟少糧完從來易治之善地也

康熙舊志建邑山多田少磽确者半耕讀之外別無餘蓄歲

或不登借糴他邦食云艱矣戶習詩書家敦仁讓嫁娶概從其儉喪葬稱其有無

謹按建德風俗所採各條已徵其概顧風俗與化移易今昔不必盡同也爰即舊志參以近所見聞列于左

### 四禮沿習

冠禮不行久矣男子二十則命以字同等相謂不稱名雖尊

## 建德縣志

### 卷六

風俗

二

長亦不呼其小字女子于歸時始行笄禮

婚禮擇門第相當者倩媒通意允則媒氏以女之年庚來星

家推算既吉乃筮日通柬曰傳紅次將幣簪珥綵帛外兼

饋白金曰行聘

聘金多不受或受之嫁時即以助奩

次請期饋羊酒果餌曰

送日亦有納幣時並行者臨娶先期送羹禮女家以之祀

祖娶之日用綵輿鼓樂迎導女花冠盛服繡帕蒙首升輿

男不親迎進門吉祥女眷揭輿幕童女執燈燭引入新房

交拜行合巹禮夕設盛席宴女之父兄宴畢賓客送壻進

新房稱喜乃退翌日新婦出拜祖先謁見舅姑戚屬以序

見日拜堂近亦有即日行之者是日舅姑饗婦使小姑爲主日待新人或三朝或五朝外家先期具啟延壻偕女至家款以盛筵日上門亦日回門道遠者不拘時日

喪禮大率用文公家禮惟大小斂稍有變異墓多砌磚爲槨不甚用浮屠近旬舉殯量家有無行之間有溺于堪輿之說緩葬而厝者初喪親屬畢至日送殮旣殯懸銘旌貼訃狀于門遠近親友先後來唁孝子依柩側朝夕不離日守靈早晚上食如生時逢七哭奠成服日凡有服者皆集哭上香日成服發引前一二日延賓題神主受賻弔柩行親

友于衢間設祭祖餞葬事畢孝子服麻經踵門稽首日謝孝

祭禮祖考忌日及生辰與凡俗節日皆以時食祭于寢新正及清明十月朔皆祭墓族繁者有祠有祭田祭則通族咸集推族長主祭其餘隨拜如儀祭畢以齒序坐團飲餽餘分胙子孫有違教令者則于祠訓飭之族有一切喜慶事多醵金存于祠以佐歲修費

四時崇尚

元旦雞初鳴中庭設香案肅衣冠展拜神祖訖卑幼以次拜

尊長平明親友互相賀歲或投刺稱賀凡五日市不貿易  
新正必拜墓

立春前一日郡邑官寮畢出迎春東郊舁土牛芒神于輿前  
士民擁觀以其顏色占歲事撒春豆春米祈小兒稀痘春  
日官祀太歲行鞭春禮碎土牛土庶家各迎春于庭田家  
擊長秧鼓

元宵自十一日起至二十二日止廟宇街市悉張燈棚放花  
爆或聯紙燈如游龍狀翔舞通衢鄉村兒童或騎走馬燈  
唱秧歌復有龍燈長如橋俗名橋燈或數百節或數十節

建德縣志

卷六

風俗

四

遠觀尤炫目大抵時和歲稔則民間樂爲此點綴太平十  
五日和粉團薦先新婦之家行祭床禮床坐五男二女以  
兆子嗣

春社四鄉各有社祭以祀土穀之神秋社亦如之卽古人春  
祈秋報意也

清明插柳于門祭祖先掃墓加土以前後三日爲期  
立夏日煮夏粥食青梅山笋新蠶豆

四月八日造青精飯相餉謂之烏飯

端午裹角黍小兒女簪繭虎于髻執蒲劍艾人以嬉午市飲

蒼蒲雄黃酒門寢貼符篆懸蒼朮香草采藥合藥者俱以是日爲良

六月六日曝衣曬書

七月七日小兒女陳瓜果穿針乞巧

中元節中庭設位祀祖先祭品多以蔬菜及粉餌之屬夜插香于地然松脂封金銀紙鏤焚之視他節異祭或三日或一日不等亦有倩僧作佛事者

中秋節以月餅相餽遺夜則置酒賞月

重陽作棗糕或以新粟裹角黍遺親友曰重陽粽間有登高

建德縣志

卷六

風俗

五

者

十月朔祭于墓

十一月冬至日肅衣冠展拜神祖如元旦禮官府展履長之慶士紳亦然

臘月二十四日前期掃塵淨宇是日設糕粿餠祀竈神曰謝竈

除夕換桃符貼春聯懸祖考遺像奉祀然歲燭骨肉團圍坐以守歲

舊志論郡志載城居山中俗尚勤儉商賈未作皆習簡樸

不侈華麗男女不鬻外境士以先後輩爲齒燕會從約禮  
儀將意此言誠然邇來俗漸奢靡家鮮蓋藏司民牧者思  
振俗還淳當必有其道矣